

補續全蜀藝文志

補續全蜀稅文憲卷之六

黃岡杜應芳

裁訂

景陵胡承詔

詩 橋梁 堤堰

昇僊橋

唐岑參

長橋題柱去猶是未達時及乘駟馬車却從橋上歸
名其東流水滔滔無盡期

萬里橋

前人

成都與維揚相去萬里北滄江東流疾帆去如鳥翅

楚客過此橋東看盡垂淚

折柳橋

在簡州橋名情盡橋

陶雍

從來只說情難盡何事教名情盡橋自此改名爲折柳任教離恨一條條

過雅州竿橋

國朝楊慎

東馬懸車地升猿飲狔形俯窺愁淨綠仰睇失空青
川過苔緇濕風來寄霧腥天將限夷夏何用罪坤靈

詠索橋

楊慎

皮索且尋檣梯出罌巖空羗兒能膽壯漢女不心松

墮似跼鳶霧輕于退錮風樊川如創見不霧是何虹

雙飛橋 峩山

余承勛

絕奇此玄圃攀雲復率濟谷口雙流泉飛來自天柱
潺湲聽龍吟春撞吼號虎穿橋股晴雷濺石沸洪釜
高山題名踪嘉名勒岩宇

前題

程啓充

嘉州人御史

摩嬰天柱峯孤根撼螯極飛流爭東西虛壑互吞嚼
晴空吼萬雷洋濫碍偈側盈尋度雙橋飛鳥亦啾唧
風雨須臾來咫尺愁昏里葦草木日夜浮疑是魚龍國

冷然濕衣裳層冰照顏色

河橋烟柳

溫江

何洽

溫泉沸地依東郭池浴金烏自大唐玉女臺空蘭草
秀仙人杖遠葛陂荒魚鳧古域隣山色金馬晴嵐映
水光龍寺曉鐘傳七里河橋烟柳控舟航

天生橋

嵩縣

張佳胤

青谿百丈斷青山天造虹梁鎖碧灣莫是星官機下
物落從銀漢出入間

巨石飛流一竇通可知天帝鑿洪濛祖龍鞭血非難

事烏鵲填河未是工

於萬里橋有作

王廷相

牽組次炎方采蘅歷錦澤迢迢萬里橋悠悠三河客
雪嶺下春湍月峽憶歸席悵此孤根蓬安得雙飛翼
洲融鳥含景露澌水弄色群動與時遂吾生坐拘迫
張掾感尊味陶令悲形役豈不景先達情戀昧多益
吹萬天運塗得一聖靈宅覺覺道有會灑灑性自適
綺季滅塵響于焉南山側

趙駟馬橋

前人

泥塗淪下國日華望皇闈招延荷明主遊歷際良時
一登金馬署片言合天懷賣賦黃金多好新白頭疑
早以慕榮出晚託開邊歸邑令且負弩豈念故所私
出車彼父老望塵空介爲里門不相下駟牡何離離
君子貴蕙德細夫欣盛儀鄙哉當墟日所酬今亦微
營文道不足飾位志乃迷惜介雀雉化未測蛟龍蟬
過司馬長鄉鬪馬橋 饒景暉

長虹百尺抱氤氳才子經過氣象分題柱聲名高照
日揮毫詞賦上凌雲至今豪爽依然在何處軒車尚

可聞欲爲明世更論蜀青山曾不贖奇人

天生橋

杜應芳

靈根穿地起袖斧劃天通龍臥雷奔壑鯨吞雪瀆空
平能紆險仄堅不受磨礧應與銀河接還期黃石造

駟馬橋

李仙品

昇仙橋畔草萋萋底事東游柱上題車馬桓榮何足
齒千乘原自魏夷齊

萬里橋

雷叔聞

蜀客歸吳日相思萬里遙至今橋下水流作廣陵潮

春日仰山余尹招遊疏江亭觀新修都江堰

楊慎

疏江亭上眺芳春，千古離堆跡未陳。
矗矗樓臺籠蜃氣，營營原隰接龍鱗。
井岩需養非秦政，則堰淘灘是禹神。
古圖經深淘灘淺則堰今改則爲作非也
爲喜灌壇河潤遠，恩波德水又更新。

都江堰

游朴

都江堰前江怒流，橫蛟摧壓雙鐵牛。
牛深入地不可出，百牝低昂隨所求。
漲來吞囓蕩城舍，水徙湮壅傷

田疇神明守令念隱瘼講究興廢蒐群謀經營不作
朝夕計要與久遠圖安休疏洵盡復秦氏蹟鑄冶却
鑿元人籌萬夫畚鍤集堤上百職倉皇趨道周慕厓
鑿石泣山鬼開道輦鐵走數州二牛欣欣再出土鐵
柱櫛比環城陬都水憲臣專柁閱往來弭節離堆丘
省方直指靡民事緣江按績躬諮諷群公合選擁江
側冠蓋駢雜如雲稠繡衣下照江水赤旛旆交舞風
颭颭金牌彤帛賞功役銀樹遍插庶吏頭輓糧載酒
剝大豕徒匠醉飽雷犒優歡聲動地沸江水從此穡

事安歛收磨石勒成詔來哲一時鉅舉垂千秋我聞
此水開明後李冰父子宣其猷刻犀厭勝護長岸沫
水不敢衝西樓三犀磨滅鉞龜出龜毀牛乃魁然開
後先相望各展力至今陸海蒙遺厥古來勞業貴紹
繼嗣者慎勿忘前修

補續全蜀紀文志卷之七

黃岡杜應芳

裁訂

景陵胡承詔

詩 陵廟

先主武侯廟

唐參參

先主與武侯相逢雲雷際感通君臣分義激魚水契
遺廟空蕭然英靈貫千歲

謁諸葛廟

宋喻汝礪

孤雲何其高明月不可繫灼灼抱此心與世自涇渭

釋來從所歡感亂亦獻歎咨惟今之人竊國未云吐
耻首入吾市秋風恐燕水區區袁與曹等是刺客耳
而我於其間秉義不敢墜哀音問衡飈清義動幽邃
天心固難亮吾獨信所履溶溶日間雲漠漠黯砌砌
饑飈墮蒼瓦澹薄公所憇靜然相英姿孤懷亦差慰

巫山廟

蘇轍

山中廟堂古神女楚巫婆娑奏歌舞空山日落悲風
吹舉手唯吁道神語神仙潔清非世人瓦盜傾膠薦
麋脯子知神君竟何自西方真人古王母飄然乘風

遊九州謁渡西海薄中土白雲爲車駕蒼虬驂乘湘
君宓妃御天孫織綃素非素衣裳飄飄薄煙霧泊然
冲虛渺無營朝滄屑玉嚙瓊乳下視人世安可據超
江乘山去無所巫山之下江流清偶然愛之不能去
湍崖激作相喧厖白花翻翻龍正怒堯使大禹導九
州石隕山墜幾折股山前恐懼久無措稽首山下苦
求助丹書玉笈世莫窺指示文字相爾汝學山洩江
幸無苦庚辰虞余實相禹功成事定世莫知空山俄
頽千萬古廟中擊鼓吹長簫採蘭爲殮蕙爲肴玉缶

薦菱香飄蕭龍勺取酒注白茅神來享之風飄飄荒
山長江何所有豈有瓊玉薦汶寥神君聰明無我責
爲我驅獸攘龍蛟乘舡入楚浙巴蜀潰旋深惡秋水
高歸來無恙無以報山上麥熟可作醪神君尊貴豈
待我再拜長跪神所勞

王子淵祠

國朝楊 慎

瑞擘靈芝發秀翹子淵擣藻揆天朝漢皇不賞賢臣
頌只教官人詠洞簫

武侯祠

饒景暉

數椽寥落白雲封古柏森森積翠濃
臣主羈紲終竟氣干戈經濟尚從容
邊關那得傳流馬古廟猶疑隱臥龍
民方西南今更竭經營何計步奇蹤

謁武侯祠四首

吳之皞

奉命來西蜀停車拜武侯故山猶在望
千古若相求魚水隆中意風雲渭北愁
不知何感慨淚與江東流

又

出谷吟梁父飄然仙子顏一朝來自帝
六出到祁山愁積青城雪腸迴岷水灣
蜀民常永歎丞相不來還

又

古今多辨相誰者是吾師意氣如公旦文章似楚辭
談兵無敵手立政有奇思何處求肝膽風霜上古祠

又

翠栢尚陰陰西風吹好音依稀行後地寥廓古賢心
戰伐事已往英雄氣尚生山川殊自好感往意何深

謁潛溪先生祠

秦嵩

金華草昧起成周玉壘衣冠重古丘廟貌不殊丞相
栢主恩猶記閣江樓落花有淚啼春鳥寒食無烟鎖

暮愁未路赤松應在蜀不須焚死怨公侯

黃陵廟

曾曰唯

石壁如城灤外凝千峰飛濕下黃陵請看文武前頭
水萬里朝宗勢若騰

武侯祠

李仙品

五丈原荒未可尋獨留遺廟倚江岑由來西土嚴堪
治却恠南人縱亦貪海內昇分孤鵠道隆中雲臥一
龍喻鞠躬以後猶餘恨翠栢黃鸝自古今

張桓侯祠

祠後有塚

前人

將軍遺廟枕巴山，搔首祗連汨欲潛何事戈才起帳
下頗教罷虎困行間，千秋風雨悲先落一統關河憾
未還安得英雄今日在朱旂鉄馬靖煙寰

星精亭

唐鄭損

星沉萬古痕，孤絕勢無羣。地窄以留竹，空多剩占雲。
衡蓬和雨看樵斧，帶霜聞暮磬。尋常到清風，不負人

江月亭

宋王十朋

江山今古幾英雄，割據并吞總是空。惟有江流不轉
石，千秋長在月明中。

滄浪亭

在草堂前

楊甲

霧回林蒼黃漲渚水寒碧西郊好風景曉霽千里色
相從二三千掃洒溪上石主人亦愛客沽酒洗玉粒
年荒酒味薄相勸取吻濕同光與其景弄此竹間日
泫泫憂端來落落險語出窄機誰復設骯髒各自適
醜波醉中舞野唱寒外惡牛羊歸匆匆是鴈來一一
獨行豈不好酒盡歸亦得頽然寄踈放未愛世褊迫
永懷堂中翁回首千歲跡豈無獨坐願冉冉饑凍逼
霜空洞庭野天關雲夢澤欲窮扶桑枝尚掛滄海席

何當從今去一夜生羽翼

葵溪書屋

國朝楊一清

錦江之水天下清錦江之花天下名縈紆映帶數百里芙蓉點染秋波明何人結屋溪頭住問是君家讀書處讀書萬卷筆有神一日乘風上天去雲霄力倦還故廬蒲家袍笏滿牀書弓裘文采照南國物態直與人情俱君今再起中臺立池上又看雙鳳集故知秋色老偏宜萬里鄉心夢還入君不見千林黃葉秋霜嚴錦窠簇簇方爭妍拒霜之名亦妄用花艷經霜

翻可憐歲晚心情更誰識舊日玄都已無迹芙蓉銷
歇溪水寒繞屋松筠手親植

前題

邵寶

縮州城東結書屋秋晚芙蓉花簇簇主人他日一歸
來手檢牙籤三萬軸花謝花開清夢寤主人執法立
中朝門前不植淵明柳觀裏曾歌禹錫桃主人懷思
客賦詩此是諸郎擢第時西曹法吏春秋筆東閣儒
臣雅頌詞君不見劔閣巖巖去天近左右峰巒相控
引越王樓子安在哉回首蒼溪雲隱隱

水竹居

于德昌

歸來物外好，棲遯徑路蕭蕭。水竹居，五畝方塘春夢。
草一汀煙月夜，垂絲酒醒卧聽鐫。金韻纏解行看引。
鳳枝正是堯民忘帝力，此心何愧北山移。

又

溪堂靜坐不勝清，翠密周遭入眼明。六月江風通楚
峽，十年浪戰憶淮城。興來載酒尋玄宅，雨過呼童種
杜蘅。恍恍何須愁落莫，雲間鷹隼羽毛輕。

又

野人怀抱魏青丘一榻茅茨當石樓
拔級十年耕植畔臨流終日賦歌頭
園花何借天公點樽酒當爲地主留
每到春時尋舊壘忽驚雲表叫鉤輞

宿廣寒館

在射洪縣

黃克纘

朔風吹罷暮天寒銀燭清尊坐不歡
靜裏溪聲敲恍惚愁甲月色隔窻看
一庭黃葉色江冷蒲眼青山蜀道難
感遇千秋懷伯玉書堂空閉夜漫漫

題杜少陵浣花草堂

饒景暉

平生耽誦杜陵句此度纔登作者堂
偃蹇寸心關世

事嶽崎千古壓詞場丹青直遣山靈壯雲鳥猶含嵐
頭長隱蔭一瓊溪水綠落花冉冉浣餘香

疏江亭卽事

雷叔聞

烟林寒鵲噪紛紛
乔木蒼蒼野燒分
日暮征人何處
去半汀紅葉灑霜雲

春日過內江王可波園亭

曹學佺

暮春啼鳥正啾啾
步入園中景自佳
似雪海棠枝覆
瓦因風畫帶草
紫階亭前待水成
虛事閣外看山有

遠懷父子况能稱著作人琴何山嘖塵埋

傅振商

閒顧孤亭趣悠然物色縈虛囟偏送白樹古更流清
含怯蜂舒翅餘嬌鳥弄聲凭闌逞遠眺逸興逐春生

又

院靜多幽致小亭清况長依林側鳥語映竹暝蘭香
夜雨催新草朝暎媚衆芳春懷撩故國遶檻漫廻翔

武侯祠

戴燥

古栢森森地莊嚴蜀相祠風雲昭異代魚水感當時

雖定三分計終勤六出師臣身貴許國智識亦何爲

青羊宮

前人

尋真來紫府攬勝得青羊殿古靈縱肅庭幽鳥迹荒
玄存神理妙珠探俗塵忘欲廣無爲化石函有秘藏

三蘇祠

前人

仰止眉山望不賒巨靈飛動走龍蛇一門父子三詞
伯千古文章四大家山影半輪新月色池開早歲碧
荷花迴廊徒倚不能去已報輕舟泊淺沙

支機石

范汝梓

海上楂何在空餘片石存
梭曾拋日月軸想轉乾坤
雲漢機聲杳岷江錦色繁
君平饒舌後誰復遇天孫

青羊宮

前人

結伴尋僊跡支筇入景房
函關銷紫氣錦里贖青羊
縹緲雙臺古冥濛萬樹蒼
息機猶未得空讀守雌章

巫峽

前人

一入巫山峽江流氣愈驕
鳧光只亭午猿嘯却通宵
雪霽岑文露煙寒樹靄遙
陽臺凝眺處雲片自朝朝

白帝城

前人

白帝山懸碧漢端荒城古戍倚層巒江迴灑瀕犇濤
吼山到瞿唐峭壁攢躍馬霸圖終竊據臥龍王業總
偏安寂憐杜老飄零久谷鳥林花日日看

八陣圖

前人

永安宮殿已荒蕪諸葛猶傳八陣圖
砂絕成行箕翼
蕭水衝不亂鬼神扶春深象石濤聲怒日落龍岡峽
影孤自是天心移漢祚少陵何事恨吞吳

補續全蜀文志卷之八

黃岡杜應芳

裁訂

景陵胡承詔

詩

巫山凝真寺

唐李商隱

巫峽迢迢舊楚宮
至今雲雨暗丹楓
浮生盡戀人間樂
只有襄王憶夢中

太清觀

杜光庭

偶拋簪笏隱重霞
金谷燒成九轉沙
丹壑獨遊迷俗

逕素蟾相引到仙家玉堂靜論希夷訣瓊樹閑開吹
第花更有後人尋舊躡聯翩還駕五雲車

登僊都觀

宋蘇轍

道士白髮尊面黑嵐氣染自言王方平學道古有驗
道成白日飛人世不易窆後有陰長生此地亦所占
並騎雙龍翔霞綬紫雲檐陽陽玉堂上與世作豐稔

玄都觀興靈極宮作

韓愈

七箴芳齋七寶林素皇御極大羅森嵐清王宇流殘
火露出金華淨老陰穠穠鬱鬱儀歸冢閭堂堂暝月到

人心小垂册法人間世姪女佳期亦藻結

搖光鬱落頰西斜
指點清虛入皓華
遂有梧桐辭玉井
得無鳩鵲會靈樨
清商獨奏鈞天樂
爽籟時添子夜茄
一握九秋千劫好
幾從金母乞瓊花

澹移南宿向西頭
萬劫年華又一秋
皎皎月輪金水滿
蕭蕭風木鬼神愁
霜飈百鍊願黃菊
天水和光孕白鷗
栩栩舊游光率境
素煙清曉落齊州

治平寺禪藻亭

國朝楊

慎

默經有石頭
卓錫倚山幽
僧寶傳衣見
儒珍按席留

欄窗窺海月，貌枕聽江流。坐覺諸天近，曇花落未休。

開化寺

前人

宰堵靈波隔，毗羅色界分。禪僧唐寶月，仙吏漢朱雲。
龍象偕新侶，鴛鴦偶舊群。諸天塵夢少，燕坐對清氛。

遊雲臺宿長潭有感

楊名

石磴穿林上，翠微柳稍殘。月背人飛客，程勝日乘高。
興僧舍斜陽坐，息機湖海十年青。髮短雲霄萬里壯，
心違從今細問刀圭訣。飛入蓬萊補衲衣。

資陽覺林寺

趙貞吉

卧林居士出林遊來往風塵四十秋身事悔教隨屢
跡世途應合讓羊裘山中懶躡屐休分竿篲下莛平已
罷釣爲謝雲山吹夢破宵仍顛倒想四周

西坡寺

周遜

天門擁翠路岩巖誰削三峯倚玉霄未有浮雲生絕
頂只容明月度纖腰滾滾東南飛瀑布年年西北換
星杓青山自在朱顏老羸得黃梅弟子驕

登報恩寺藏經閣限韻 金臯

城隅高閣納遙青壁立諸天擁畫屏山勢西連橫紫

翠水聲東去會滄溟雲霞滂影光猶爍冰雪浮空夜
不扃下界鳥飛人語靜虛簷初掛兩三星

朱鳳寺

陳以勤

春山野寺色蒙茸千載重來問住踪深樹未諳新闢
徑空門惟聽舊時鐘倒臨絕壁還卅井橫鎖長江自
碧峯我欲投簪替此樓集白雲應不負相從

彌陀寺

前人

自笑踈慵久尋遊失止方邇來厭苦惱暫此寄清涼
密竹通風細幽花着雨香譚空吾已倦隨意宿禪房

金鍾寺

孫嶽

石潭明月映清漪，玉版高樓幾世遺。
盤石曉鍾常隱隱，樓灘脫月自遲遲。
蒼崖百佛巍金相，碧樹雲峯掩玉枝。
更歷蒼山高厚擁，孤峰前拱翠屏奇。

王虛宮

王靖

山宮勝地巖蓬瀛，脫拂晴烟一抹輕。
冉冉不隨青嶂散，紛紛長傍綠雲橫。
日穿空翠移花影，風過寒陰帶鳥聲。
勿憶採薪人去遠，恐迷歸路杳難行。

遊慈雲寺

范府

吟邊乘興入，慈雲竹颯松。清曲徑聞山色，四圍藏寶
藏一溪橫野小橋分。

龍門寺

任瀚

劍外烟花春可憐，尋芳遙坐翠微烟。君侯未放郎官
醉，更上清溪載酒船。

白鶴寺

郭欽華

迥迤幃帷入翠微，林深石寺迴斜暉。山連雪岫搖青
漢，城帶溪雲護遠扉。撫字不須論虎渡，生涯終自有
魚磯。徘徊忽見雙鴻起，吹落松花滿客衣。

布花寺有感

王 敕

乘閑來訪梵王家古木陰森暗落花野鶴乍驚門外
客老僧常卧隴頭霞尋山但策印峽竹汲水頻煎蒙
頂茶却笑禪家貪課蜜眼前不厭聞蜂衙

登牛頭寺

張 肅

尋幽閒上牛頭寺一覽江山取界舒古石重磨工部
句虛亭猶扁晉人書地幽院落千聲靜秋晚山容萬
木踈愛客老僧留日莫嵐烟長起濕輕裾

遊雲臺宿長潭

陳于陞

千年靈岫留真館百尺丹臺跨紫氛絳節朝元逢羽
客霓旌照夜識神君祥鸞紛集三珠樹寶殿長棲五
色雲安得功成來辟穀赤松黃石一爲群

雲臺引

六言

孫應鰲

昔夢太岳高峰今遊雲臺祕宮靈顏威儀沕穆真氣
影迹惹龍崇標雲變爲雨幽壑氣噫生風大道何言
可儼塵根長此安窮仙藥一丸五色鴻寶萬畢八公
天地古今如寄對樽六箸從容

仙雲觀

朱奎

仙已乘雲去不歸舉頭日日見雲飛偶然一片留松
頂疑是凌風舊羽衣

陶明府招飲玉山寺

徇承芳

梵宮樓閣倚巉峩明府高軒載酒過山靜似含秋色
早竹深偏駐午陰多茂陵病渴唯踈放彭澤官閑足
浩歌尚夕已看車馬散不禁飛夢繞烟蘿

峩眉絕頂禮普賢大士 前人

流丹積翠上重霄大士開山歲月遙業樹春雲飛不
斷寒岩積雪未全消風前刹影搖星漢空外鍾聲落

海潮入世此爲真佛地蓬萊仙客漫相招

過金沙寺訪寶珠上人 于鶴

欲將四大借禪床乘興來登古佛堂下榻有僧初出
定徇人無語便焚香雲拖雨脚侵衣潤風傾潮聲入
坐長聽說無生閑半日此心先已得清涼

遊靈泉寺

陳講

幽棲若憶贛公房東指靈泉度小航萬壑樹深啼杜
宇一江水煖浴鴛鴦雲封丈室同心寂月到諸天景
欲忘更愛崖端飛瀑布碧桃流水泛花香

平都仙境

來知德

鳥道前朝樹，珠宮背郭山。
蒼虬騎霧帶，青鶴啄雲鬟。
窈窕仙應逝，招呼鶴可還。
孤舟千里遠，長劍五遊斑。
春倒誰人寵，鷗忘急瀨潺。
一琴隨月住，半榻借僧閒。
醉後題殘句，鍾聲起眼灣。

遊雲臺

黃輝

珠柑分茗徑，瓊泉遶石臺。
樓背蒼泐起，窻對碧桃開。
燭影檣前合，鍾聲枕上來。
浮丘何日到，相約幾徘徊。

白水寺

前人

劍外名山聚岷山不可名祇疑盤古靈化作佛光名
我且歌鳳去誰當騎象行兜羅雲世界說法了無生

登大慈寶閣

王 胤

上方佳氣傍雲流矚目凌虛自謐晏色界本同無象
境諸天卽在最高樓西來秘密牽人迴眼底風花入
望浮暫向石皇尋大悟微名奚羨覆金甌

又

寶閣巍巍祀大雄乘春登覽紅烟中經攤貝葉龍光
紫香散曇花法雨紅瓊燦飛甍低慧日參差離牖度

天風只疑身在須彌上踏破塵凡卽大空

遊玉局觀

鄭仕階

三月春風吹柳花青絲臂落紫流霞平蕪草藉王孫路大嶽雲封帝子家千尺龍麟松蓋冷一爐鳥篆相烟斜歸鞭啖指緣江路隱約城頭點暮鴉

鷺滂寺

白駒

閒上鷺峰眼界竒回思真愧北山移不知餘日還多少欲傍禪僧盡此期

春日遊玉局觀

李元齡

玄宮深鎖翠雲間，平衍紆徐自可攀。
玉氣曉瞻朝帝座，使星霄映淨天關。
步虛有客鳴清籟，服食何人叩大還。
高栢層松稱勝境，近城羸得似登仙。

金波寺觀江漲

前人

招提南枕大江隈，六月波濤湧地來。
雲靜遠涵天一色，風吹高捲層臺。
可知灑瀆形如馬，因憶龍門吼若雷。
萬里橋頭凝眺望，此中消息却誰猜。

與客飲石犀僧院

楊師心

城內一路景偏多，漸覺春風長綠莎。
竹裏經聲僧未

出門前流水客同過攜來藤杖隨芳草刺有清樽對
女蘿眠底逢君不落莫醉來砍地欲長歌

過石犀寺聽非上人琴 潘紹伊

見寺心先靜逢僧意更閒何期遊物外又得坐林間
室響金中浪庭陰牆外山一從聽絕調常似墜松關

金沙寺

前人

濁浪拍新渠風光二月餘雪花團柳絮竹色映春居
岫遠行人小江長去鳥徐野僧留客飯溪畔洗園蔬

國寧寺

前人

古苑何年建蕭條翻覺清虛堂濤響亂及徑野藤爭
拂蘚辨碑字逢僧問法名坐勝千木合終日雨風聲
汲龍泉水煮茶分得花字

前人

洗饒龍泉水留人雲霧茶不時聞野鳥終日對袈裟
夜雨洗寒竹微風送落花在來詩思別語語雜烟霞
遊凌雲寺

鍾惺

山水凌雲最此語然未然昨者觀中林林壑工迴旋
俯覺雖最爾亦淚盡芊眠茲山所以勝煩諸岷峨源

磬游曲榭罷意乃思高軒蜀山所不足諒非連以崦
茲焉特秀發處勢莫能先層磴唯巖右輿步信沿緣
石佛三百尺冠巖履清川墨池無殘瀦蒙茸流涓涓
已鮮宋元碣異哉標真元鳥尤不容刀逡巡未得前
凌雲獨峻整中巖備玄淵昔笈金與焦皆在江之壖
有矣不相襲是以稱絕焉以茲定三峰當處伯仲間

凌雲寺

吳之暉

擊節登臨最上臺山河一望信奇哉
衣裊裊踏香闌花雨紛紛點翠苔
金碧萬峰當面出玻璃一水盪

胸開蜀南戶，慵勤香肝萬里應。思保隋牙。

盤陀寺

楊守立啟

竹露松濤動，酒卮爪黃空。碧日高時岩攢石，頽雲爲
脚天落池。心月作眉細，路丹萸肥映。酒深林白鳥暗
窺詩，捫蘿有穴堪藏。副何必星輶過九疑。

回羽士遊花置寺

前八

絕壁脩篁架屋崎，登高俄儻入峩眉。語鷄有興供佳
調，白衲無思說大悲。岩畔神斤螺頂幻，龕中仙杖羽
衣。前春行莫等桃花笑，酒在尊前月在卮。

登平都山凌雲亭

陳大道

平都稱福地，隔水有仙潭。
白鹿迎佳客，青牛度老聃。
嶺頭天爲杙，林氣午猶寒。
奕者何時已，風吹落石楠。

解脫坡

方孔炤

橋前解脫卽神丘，秘室皇人彷彿求。
遺龜但看山是藥，問津須悟壑藏舟。
岫容宛轉舒真面，石意參差爲點頭。
誰似茲遊兩名勝，夷猶白象共青牛。

雙飛橋

前人

琉璃瀉影絕峯開，界道喧承萬壑哀。
不信梳流歌鳳

罷分明應鉢化龍來
巨靈鑿石標螺頂
蒼使連虹湧
玉堆谷口晉賢船
欲待逍遙已在白雲隈

雷洞坪

前人

險絕藍頭馬鬣行
俯看松塔古亭亭
幽陰洞氣如飛
石杳黯山根
看有聲霧白幻成無
色界林青常護法
王城更從八十四盤去
凡骨憑虛也覺輕

梅子坡

前人

蹉衍截榦度梅坡
翠壁懸崖怯柵羅
倒掛竹君冷
露足亂蛇木客
愁雲多嶂幘
慧焰光如許
瑤綠仙區恹

奈何縱令道玄窮化手丹青萬狀摠難摹

天門石

前人

七重露地此門中不斷煙雲接大空峭削諸天憑素
柱高寒歷劫從青葱臺邊偶點蓮華色昇際常吹井
絡風可是鬼王無雙處誰將神鑰啓鴻濛

觀佛臺

前人

讚歎山靈巧放晴紺宮寶樹自分明前峰玉女供花
咲下洞仙人斂霧迎霓輦恰涵河岳影月華遙染壑
雲情象玉圓妙初非象創景虛無混一清

淨土菴

前人

北上之北族雲遮多山祗園淨土家兩醉琅玕深綠
潤日曬華鬢發玄袍蒲團不語誰年臘松徑移人引
法車拈點龍池還受偈米泉瀝澗冷風斜

龍門洞

前人

練瀑飛珠瞰大淵藤蘿路隔只朝烟剖開碧玉幾千
嶂削就丹丘尺五天島上吹簫疑此日洞中叱石竟
何年峭嶮影嚮尋竒錄醉得如芝龍枕眠

感張桓侯靈爽甚著口號 傳振商

夔疇英標誰與同氣隨美髯貫長虹心扶漢鼎歸全
局力闢巴川第一功才斗遺銘留勁骨涪江勒石載
雄風閣中祠祀嚴靈蹟恍與山河共始終

補續全蜀藝文志卷之九

黃岡杜應芳

裁訂

景陵胡永詔

子雲墨池

宋喻汝礪

讀書豈不好憂憤還自茲書中見古人隱閔惻愚思
遇險理有激尋分意多隨娟娟感娉容戚戚念幽棲
曾是無間然孰爲愜所宜覽之不自聊悵焉起遙悲
不容撥置之濁酒聊一持先生頗多事斯心昧前知

亦復坐竒字慙戚亡所歸

晚泛浣花宿草堂

前人

扣棹泛澄虛，濯流聆幽芳。恍靈視其樹，夕霏媚疎篁。
歸鳥亦斲園，夜魄動初涼。忽焉星微天，高月舒光
昔也杜陵子，澹然此茅堂。客至酒自斟，句得意已忘。
云何常念饑寒，若在道旁。古來枝入神，一飯豈所望。
台輦天所歸，慨歌淚霑裳。

巖顏碑

蘇轍

古碑殘缺不可讀，遠人愛惜未忍磨。相傳昔者巖太

守刻石千歲字也訛巖顏平生吾不記獨憶城破節
最高被擒不辱古亦有吾愛善折張飛豪軍中生死
何足旌乘勝使氣可奈何斫頭徐死子無怒我豈畏
死如兒曹匹夫受戮或不避所重吐氣吞黃河臨死
閑暇有如此覽碑慷慨思橫戈

蘇祠懷古

國朝楊慎

眉山學士百代豪夜郎謫仙兩爭高巖峩凌雲揆天
藻江漢流湯驅硯濤虎豹蛇龍自登踞鯁鱸狐狸休
舞號井絡鍾靈竟誰繼海峽汪洋增我榮

望杜工部故蹟

王廷相

杜子東歸滯三秋
穉風茅屋灑西東
卧龍躍馬幾回
夢赤甲白鹽相對雄
驥足如存看歷塊
鳳翎崛起耻
因風長歎激烈悲
生事吾道扁舟異
代同

宿夔門懷孔明子笑

張佳胤

艤舟下席楚雲生
落日青霜白帝城
踏蹟難忘諸葛
陣野田曾爲杜陵
耕休言天地終陳迹
讎使江山借
重名事繁文章看
二子風流無限古今情

涪州北巖謁伊川先生祠

陳 濬

涪陵東去石巖虛人靜雲深好著書學道不因遷客
廢無官應傍野人居月明江上澄心處露滴松梢點
易餘誰識當年真氣象空山仰止竟何如

射洪邑西有坊題金華勝境即陳子昂讀書

臺

范 涑

金華勝地拾遺村鶴萊從唐到子孫臺繞白雲書館
在水涵青嶼筆峰存戶庭誰復添文藻花鳥空餘戀
故園海內祇今多作者猶憐伯王並中原

鶴鳴觀懷古

蔡守愚

羽士全真地軒皇訪道年山川占王氣樓閣出雲烟
樹老曾棲鶴壇空幾會仙鼎湖今已遠雙洞自濺濺
百花潭吊杜工部同舒尚孺賓壽鄉

曹學佺

悠悠一邨外步步石花潭昔有獨吟者今來客共談
江聲四野去秋氣片林含生事如寥落當時自不堪
王稚子墓卽漢詩所稱雒陽令也有石闕畫
漢衣冠人物漫滅尚存新都界中碑云新郟

人

前人

洛陽有賢令此語漢時題平地墳林起孤雲石闕低
衣冠猶昔日邑里自新鄴何事千年後人來尚不迷

白帝城懷古

杜應芳

空城久寂竄吊古幾踟躕躍馬雄稱帝揮蛇識泣媼
連營三義重托幼一忠孤惟有年年柏常號夜夜烏
朝天嶺因懷孔明從此出師次訥菴年夾

任甲第

朝天嶺上翠霞稠多少關山自壘頭九折險途雲外

度一江湍水碇中流金城在昔稱天府劔閣凌空障
益州却憶漢師虛六出至今烟雨使人愁

八陣懷古

李學詩

遺壘不可數神謀亦壯哉誰言魏將畧敵自服奇才
狐鼠悲吳魏風雲護草萊彌年還廟貌長嘯使人哀

洪崖洞

鍾煌

幽竒知不少登頓擇其尤有若茲巖勝能無枉道留
冥游尋石乳近取在江頭谷邃猶俯水泉高更看樓
頽雲離洞薄遠樹借煙稠細訪蘓黃刻山川想獻酬

蜀道懷古

杜時芳

往事慨孫劉空耽萬古愁
借荆分漢鼎窺蜀澤吳鈞
鳥血黃陵水狼烟白帝秋
至今爭戰地皓月滿滄洲

又

杜喬芳

霜落劍門秋巒光引客愁
楓翻紅舞蝶石亂黑沉牛
王氣存先帝殘碑武侯青山長
不換羸得古人留
過四安舖懷杜工部趙清獻二公

冉崧

耽癖風騷客宦情葉鶴仙
草堂空白雪清夜共蒼天

詩媿才非醒官慚蕙更賢賞心前後事撫景甚茫然